

張文定公靡悔軒集

張文定公靡悔軒集卷之四

墓誌銘 十二首

明故愼齋處士馮公暨配孺人魏氏合葬墓誌銘

馮之先自漢陽復侯異世家閬中轉徙青齊五季亂渡江入越家勾章族姓望於慈溪而閬中青齊有通籍往來者元季德謙始居大寶坊稱寶坊馮氏八傳諱民字天民號惜陰者公祖也考諱魯妣陳氏君諱雋字仲賢愼齋其別號也峻整介潔不苟涉物或見其窶甚餽之粟固卻之慕徐孺子之食力讀書力田劬甚不悔勸之

賈不應御家有法事父母以孝稱尤致恪於齋祭與其
兄恒處主老樂孺不脅宗黨其衆處之親疎各中恩禮
無事則竟日危坐無俛容無嫚語訓子姓必則古昔或
叙惜陰舊事則變容流涕聞者感動與人唯敬信溫色
自中習見若初入皆狎且畏之所居一廛秋隘殊甚而
膏次坦蕩曾不爲戚少習毛詩事科試一不利輒棄不
就教授生徒循循誘掖以觀其成間閱春秋經傳悅之
命其子璋習焉而選集英俊令與漸靡講析君時時指
授其間賴以成名者數人有司請鄉飲辭不獲爲一往
後屢請竟不復赴甲午秋邁疾且亟命諸子惟無墜我

祖遺訓因大書持身立心御家理生之務數條至今懸
之祠壁卒之四年璋方登甲科選授監察御史振聲于
時而公不及見矣生天順辛巳十二月六日卒嘉靖甲
午八月十二日享年七十有四先配張氏蚤卒繼魏氏
魏亦邑宦族父某鄉長者魏孺人旣歸公黽勉有無不
懈劬勤而婉婉將之姑嫜妯娌無弗愛且敬焉先孺人
生子良貴視同已出比長就學脫簪珥俾贅其師繼則
辟纁以充及其所生二子就學亦如之三十年官需私
逋率以織紵組紃償焉而恬無戚容矻矻宵晝不知其
勞也緣是病目老幾喪明御史每言及輒嗚咽流涕及

官南臺以庚子春迎養甫二載方將考績北上獲

寵封爲生榮而孺人不幸歿於官舍嘉靖癸卯八月一

日也距生成化丙申正月六日也享年六十有八子男

三良貴娶曹氏次卽璋娶陳氏次節敏慧善文不幸早

世妻王氏誓志終節孫男二惟勤惟約惟勉約及孫女

一人節所遺也璋將扶櫬歸其家表直面深墨廬予門

達而請曰先君以

日塋邑西朱山之

原貧不能具誌石今吾母將合塋焉願併銘之乃奉其

友嚴舉人諒所爲狀授予予聞君與孺人賢孝推重鄉

評既久而御史戊戌之試予實識之南宮且其忠清貞

詠憇樹遠達無惑焉蓋君與孺人食不償德而取償於
身後者當未有涯也是固宜銘銘曰

侃侃惜陰好學慕古有嘉孝孫展也繩武約靡外求
介不物忤履素迪知以篤世祐誦詩弗售授子麟經
暨于髦士咸以成名身雖云困道則維亨以越稀齡
孰爲縮羸孺人媿媿秉心貞厲何有徇仁殫我劬勤
衍食南臺旣越三歲祿養善養庶亦云備嗟昔義方
贊維女士令德今名成此賢似於赫

寵光鼎來未已奕奕佳城百世偕止

明故淇川處士郭公墓誌銘

處士郭氏諱俊字用禮封翰林檢討諱錦之父今春坊
贊善希顏之大父也世居豐城曲江之淇塘號淇川云
自國初以來頗爲豪右所蠶食或絕或徙由是郭氏日
漸微歷傳至晉卿生原德原德生惟信惟信生淇川僅
能世守淇川生而有異凡外若恬和內實藻毅故介在
諸疆宗不可搖撼少讀史不甚求解父惟信公早世貴
甚窘傳太孺人訓之曰兒知爾之上世乎爾世往往隱
於賈罕有以儒顯者且禮義生於饒給盍圖之處士遂
挾貲徧遊荆襄吳蜀間每一果一食太孺人未先嘗不
敢入口性好善談道歲時朔旦必取釋氏諸經誦至夜

分或徹明忘寢尤好山水圖畫遇適意輒窮其妙賈於
荊州之公安封君携宮贊往訊起居因懸一鯉於堂指
示曰白浪翻身宮贊應聲曰青雲得路處士喜曰吾有
孫若此哉亦時時諭封君善教導乃公安逋者不下數
百金處士持其券仰天嘆曰如子孫不賢窖金皮帛何
益如賢也貧奚庸損焚其券飄然掛席而歸日觀園池
林麓投竿索魚種竹成筍以娛賓客封君方督宮贊講
授江漢是生九齡矣居四年處士寓書令就試補弟子
貢於是垂髫發賢科人以處士得善報爲賀處士驚曰
吾孫如李杲然見其華未見其實也宮贊會癸未試落

第處士愈益勸誨每閒居必令陳說往代一二事議擬
一二人或訂之曰某事可訓某人可誡又令諸孫環立
旁聽老而益樂病篤封君問所欲言處士曰汝勉教諸
孫使他日盡忠爲名臣吾願足矣復何言遂卒是嘉靖
乙酉仲冬月日距所生景泰辛未月日享年七十有五
娶張氏繼何氏子男三長朝貢娶李次卽封君娶雷封
太孺人次繡娶毛女一適濶塘周俱出張氏孫男六長
卽希顏娶李封孺人次希曾娶萬希思娶李俱邑庠生
希孟早夭雷出次希韶希濩李出次希張毛出孫女一
適邑庠生杜遷善亦雷出曾孫男二汝寧汝成曾孫女

二封君家故貧也又拘於地理故處士久弗葬宮贊以
某年月日卜藏於先人之郊原茲將奔封君喪喪經踵
門持呂宮直懷所爲處士狀請曰先君以先大父未克
葬且未有銘平生耿耿不寧寢食今死且不瞑惟先生
幸惠一言予始識宮贊於成均今復爲僚友卽其器藝
知郭氏必昌無疑淇川食報宜未有量也而其昔之所
施因可徵焉若之何弗銘銘曰

天道之運低昂屈伸萬有弗齊歸維其均人心之害
萌于有我孰能順天衷多益寡豐崇綺麗取快目前
廼身之腴廼後之鑄君子秉良與物同願憫窮鄙

惟其焚券我盡我心實篤我祐取券

嗟良賈

明故封中憲大夫前監察御史提督京畿學政
西巖顧公墓誌銘

公諱潛字孔昭別號西巖世爲蘇之崑山人公性端慤
謹重而早慧能文章年十四提學御史山陰司馬公試
以經義大奇之遂以第一人選入縣庠弘治己酉領鄉
薦丙辰擢進士高第改翰林庶吉士閣試每弁多士而
以耿介寡諧不得充館職戊午授山西道監察御史巡
視京城峻抑權倖庚申印馬山東河南所至悉心咨訪
上疏言馬政民情五事辛酉畿輔災變復上言卹災安

民八事皆切中時宜

上勅所司罷行之尋以疾請告家居輯唐虞以來事可
爲法者附以論斷爲書名曰稽古治要癸亥疾愈還
朝獻之

上嘉諭留覽其書凡奉天法祖教太子處宗室辨人才
恤民困納諫諍節財用接臣下斥佛老重爵賞慎刑辟
御夷狄待城屬一切政體之要無不畧備其有關時政
闕失者尤加意寓規諷焉而於接臣下一條具載

祖宗列聖有大舉措必召輔弼侍從之臣相與講論商
確邇來勢分殊絕君臣相接不過視朝數刻願亟見臣

條或召對便殿或臨幸內閣以察納忠言訪求治理
孝廟末年數召諸老面咨政務留心萬機人謂公之書
有助云復除山東道爲總憲浮梁戴公烏程閔公所器
重諸道章疏悉令檢詳甲子畿輔又災時外戚宦官恣
橫當緣漫無紀極則慨然率諸道上疏陳時政八事指
切無所避忌

上皆采納光祿少卿祝祥附外戚得美官太常卿崔志
端發身道流累遷禮部尚書率諸道論劾遂相繼罷去
旣乃奉

命提督京畿學校勵志作人周歷遐僻祁寒暑雨劬極

不自卹矩範嚴凝不輕假辭色而訓接不少懈順德求
平諸郡士鮮知學擇其秀穎者令有司資送至京遣從
明師多所造就一時出門下者徃徃宦業有聲士論至
今稱之正德丙寅

武宗登極上疏言嗣服之始當崇敬畏戒逸欲任耆碩
屏佞幸請令儒臣繕寫唐相宋璟所上無逸圖宋孝宗
所集敬天圖以時省覽不報御史秩滿兩考並書上上
而冢宰許襄毅公一歲至五薦不果用益自逆瑾用事
縉紳多趨附出其門公獨守正不阿會瑾黨劉宇爲吏
部尚書以私憾承瑾風旨外遷馬湖知府己巳春非時

考察京官落職瑾敗

詔以舊職致仕已而縉紳大夫士交章論薦竟沮於格
例不復起嘉靖庚寅子夢圭官南京吏部主事以肇修
園丘覃恩封中憲大夫癸巳十月得脾疾甲午三月加
劇是月二十六日卒距生成化辛卯八月八日年六十
有四顧爲吳四大姓之一公七世祖道璋爲元萬戶自
是世濟休德曾祖仕良贈詹事府詹事兼翰林院學士
祖恂累贈詹事府詹事兼翰林院學士考宜之封監察
御史妣周氏贈孺人繼李氏封孺人配龔氏封孺人贈
恭人繼楊氏封安人子男三長夢圭累官江西布政司

左叅議次夢川府學生皆龔恭人出次夢穀側室刁氏
出女三長適同邑王可大次適長洲陸仕皆國子生次
許嫁嘉定劉在縣學生孫男三允熙允默允烈公年十
六喪母哀毀踰節比入官每過家上隴未嘗不慟哭事
祖若考備極孝敬居京師十餘年每得

上賜之物及美衣珍味必緘以獻罷官後卽舍南鑿池
系山以奉親日致賓友觴奕爲樂積十有二年不衰處
弟妹有恩自奉簡儉至賓祭恒致洗腆侵歲設粥以施
饑民族黨貧者以旁近廬舍居之時遺蔬米死不能葬
者惠之衾積平生貌如其心著慎獨箴朝夕觀省雖燕

居不輕笑語閭閻肅然無敢闌出入常坐一小軒手不
釋編帙晚年涵養益邃遇拂逆率多容忍與人遊和易
而不廢規益訓夢圭等以大心制行學爲君子輯古今
格言及往事可鑒戒者手錄示之夢圭入官貽書戒勉
庶仁公勤四事諄懇累數百言臨終遺訓不作佛事祭
壘悉遵朱子家禮所著靜觀堂稿并續稿若干卷讀史
新知林下紀聞湖塹醉歌崑山誌王峯文獻錄惇史夢
林各若干卷藏於家夢圭等將以卒之明年 月 日
啓龔恭人兆合壘于邑西北巴城村之原先期爲書以
春坊庶子方矯亭先生所爲狀上其從祖父禮部尚書

兼翰林學士未齋公于京師而屬予銘墓予昔附學士
公榜末被誨愛館閣間其特辱與公同朝亟相接後官
留都而參議君又同事銓部益幸交公三世于茲銘其
敢辭銘曰

險傾兮世路公坦而步
蹻今人情孰利厥糲仁親
及君爰作我人人既作止以詒厥子志苟克伸孰爲
亨屯名苟不瑕曷旣其華彼儉以焚茹辱若甘卒何
益矣不汗頰乎西巖西巖蒼蒼其下兮君子之堂有
行有藏有興有章不顯其光猗崑山之良兮

明故處士東峯何翁墓誌銘

翁諱春字啓東東峯其別號也先世諱伯通者勝國時爲丞相賜第宅于河南之中牟因家焉地志中牟有何家村橋卽其處也曾祖諱添與

國初時爲江西按察僉事以廉慎名後卒于官子孫貧不能歸葬乃寄籍南昌祖諱彥文以醫術授太醫院御醫生子女各二咸通醫永樂間

召其二女入宮授之官視宮人疾無弗效者父諱玉游郡庠已乃襲父職爲御醫母陳氏翁其次子也公少游里塾讀書強記稍長肆力於學憲臣校藝每遴冠多士顧屢不偶於場屋知者咸爲嗟惜而翁處之裕如游遂

菴楊公門與白巖喬家宰蓉溪金司寇桂巖邊司徒同
硯席諸公咸推遜焉而邃菴尤重公才思亟稱之嘗兩
被薦用皆辭不就晚乃遇例冠帶好讀書終其身手不
釋卷雖盛寒暑不懈楷書詩句琴奕之屬並皆精妙雖
年望大耄不衰歲丁酉八月二十日八旬初度其時贈
太傅謚文康任丘李公館甥也方執政幾務之暇率其
子姓及翁子姓若諸姻好稱觴上壽都人嘖嘖歆艷焉
一時名鉅交相稱賀詩文至盈鉅帙翁亦爲詩自壽有
曰乾坤皆我觀三大江海從他變百川蓋風度可槩見
云翁素無疾辛丑冬偶疾作俄頃遂終十月二十日也

距生天順戊寅壽八十有四配李氏先卒繼配王氏子
男二景祐光祿寺監事善醫娶馮氏次景祿太醫院吏
目娶張氏女六長適南京兵部尚書江都王公軌次適
良鄉徐監生鏊次適卽文康公時次適金齒張生事合
次適晉陽劉中書鎧次適任丘郭御史圻孫男二士忠
士孝女二尚幼景祐等以卒之明年正月二十五日葬
於阜城門外八里庄之原先期持太僕少卿費公淵所
爲狀介中舍劉君踵門請予銘銘曰

相國有孫秉憲江右廉不謀身德乃庇後厥後再世
寄業於醫亦克有濟效于一明時公稟令資博學強

記繪藻擗章見者嗟異梯榮有術邁會無緣衆皆快
悵公則怡然觴奕琴書優游卒歲三大式觀百月長
逝桂馥中庭玉輝甥館勿謂弗遭允華以皖百福既
同大耋以終不其休邪勒銘無窮

明故封太安人劉母王氏墓誌銘

嘉靖辛丑五月二十有八日申時安人坐間忽患痰湧
時諸卑幼環侍亟扶登牀瞑不復語各丸散進喘不休
頃之氣寢以微至酉遂絕是日侵晨王氏玄覬楊梅安
人乎自分惠于衆飯食歡笑如平時而奄忽仙逝屬當
炎節適天陰雨爽氣如秋逮殯容色如生閭里咸謂安

人淑德孚格益有所呵護云安人姓王氏慈溪冠族魯
大父尹發金慈縣知縣大父來南京工部尚書父鎰江
西按察司僉事妣陳氏封太宜人安人寅默性成夙承
陰教年十八歸封禮部主事困齋劉公劉故宦族資業
頗豐美而安人來自世祿之家亦盛奩飾乃謙約自將
茹辛服勤若習于寒素然者人皆賢之事舅姑供賓祭
交妯娌宗姻皆曲盡禮意臧獲之賤咸畏懷焉非歲時
不踰閭非歸寧不出門非懿親不輕見非內則不言組
紉紡績至老不輟中饋細務雖貴必親始困齋多病往
往幾殆安人委曲成侍至脫簪珥以助醫藥然承積病

之餘無族日益蕃費用日益廣而安人劑量有方家殖
賴以不落以子世龍貴與困齋偕膺封典世龍性介潔
不能骯骯逐時好自登進士偃蹇仕途十餘年安人就
養宦邸每慰之曰大丈夫苟無歉於心無得罪於正人
君子雖貧何困雖屈何辱吾蓋雅聞於而父矣他奚痛
郵焉甲午秋子壻王耕宰巢縣女自南京迎養時世龍
以禮部郎中抗疏陳時政被逮北行安人徐聞其由笑
謂子婦曰此男子第一事何不早語我比禮部君自詔獄
釋歸則困齋暨安人諸子若婦歡言家慶蓋曉達義命
辨外內之分不輒以浮榮失得一毫介於意如此安人

生成化丙戌二月十二日壽七十有六子男三長世璣
先卒次卽世龍次世益女一適都憲王公之子卽巢令
耕孫男三主忠主敬主信俱有室矣孫女四世龍等將
以其年某月葬安人于 之原乃述行實寓書於予
請爲銘予昔與禮部君同事嘗監相資爲深稔聞安人之
賢猷相成其夫若子蓋古所稱女丈夫者足以厲世訓
俗義宜銘銘曰

闡闡之道淑慎其身苟非大義曷濟慈仁高識遠志
乃全親親蠲而饋糈精而膳珍式媚姑嫜罔憫于神
謂產冠族坤儀夙循卓履不群則何所因相夫教子

有春有倫弗與肉眼俱觀屈信弗以一已而爲戚欣
名榮胡辱道充奚貧信而行之孰迷我津蠢彼鷄豚
營營多斯丈夫則那猗與安人

明故登仕郎鴻臚寺司賓署署丞白君墓誌銘

嘉靖壬寅閏五月十日鴻臚寺司賓署丞白君歿于京
邸之正寢先是其子兵部職方主事若圭奉使南畿竣
事還

朝時君病且旬餘勢殆甚若圭憂惶晝夜調護則漸愈
數日病復作君曰命其至矣區畫後事語秩秩不少亂
謂若圭曰吾平生無可爲憾死卽瞑矣惟爾其思吾誨

迪求勵志行圖光于前人言畢正身斂手而逝若圭哭踊累日將扶攬歸葬收淚列行實以墓銘請予昔識君尊人錦衣公于京師迺今與君居同巷時時相接見承笑言而職方又予禮部所選士益知君既三世銘惡得辭君諱詔字徵夫別號師慎先世洛陽人宋季避兵徙邑之採菱港遂占籍焉曾大父諱珂大治縣教諭累贈光祿大夫柱國太子太保刑部尚書大父諱昂光祿大夫柱國太子太傅刑部尚書贈特進太保謚康敏父諱峻鎮國將軍錦衣衛都指揮同知母楊氏累封至淑人生母劉氏君性敏慧少游郡庠屢試弗售乃就職鴻臚

丁丑遭錦衣公艱毀容深墨治喪一用古禮鄉俗稱其
善然其時侮訐日至背瞠面嗔狐營蠅伺至不可勝禦
君夙夜劬悴卒克隄潰彌隙以無荒先業人以爲難嘗
奉使閩廣及蘇常儀度詳雅所至見稱復承

命奉

制服賜黔國事竣黔國咸陳餽餞之儀君怫然曰沐公
國之元戎顧辱使乃爾沐愧謝焉坦易無伏匿時從四
方賢豪尋幽選勝留連觴奕驪然無倦容至于赴人之
急躍然如不及論人臧否及事失得辯而不激應變揆
物悉中機宜嘉靖壬辰以序班秩滿

勅授登仕佐郎辛丑春滿九載遷司賓署丞踰年忽厭
塵鞅超然有高棲之志疏乞致仕時職方三載報政垂
受封而不幸遽歿士林惜之距生成化丁未五月二十
八日享年五十有六配某氏子男三長卽若圭舉進士
兵部職方司主事娶同邑胡縣尹旻之女次若水國子
生聘無錫華僉事壽夫女次若璧聘同邑姚郎中文祐
女女三未字壘以本年 月 日祔厥考新阡之次君
旣祇勤其身無忝于先人而日飭義方以成其子且目
見其顯榮雖

褒章未逮而炳煥于將來者則旣坐而策矣前有作後

有述世亦何可多見而君克紹啓其間以行裕不休可
銘也銘曰

翼翼康敏淑問維勤長我

皇國庇厥後人君承華閎適時邇屯剪薤無蔓諧洽宗
隣官箴罔缺嗣守家珍有爲之前厥美旣宣有爲之
後厥盛旣傳君於其間俯仰怡然膺數之盛因言由
天克紹克開則惟其賢勇脫鞬條遙空砥礪課最有
子

寵光燁煜人事多艱槭槭風木裁我晉陵若堂斯築
恩詔自天鼎來奚卜太史作銘式昭詒穀

封太孺人林母朱氏墓誌銘

翰林檢討林君庭機以嘉靖丁酉迎其母太孺人朱來京師會

上以元祥覃恩所生

勅封太孺人既而懷歸庭機乃疏請獲侍以行未幾復遣之北上別未逾時遘疾卒于家嘉靖己亥四月六日也距生成化甲午十月二十日享年六十有六庭機聞訃哀甚持翰檢黃君所爲狀請銘於予予始入翰林側聞先輩太保文安公之賢旣而辱交太子少保小泉公昆弟竊歎文安後嗣衆盛非甚盛德何以致此迺今

讀太孺人狀則知培祉發祥公所資者實廣也謹按狀
太孺人系出河南杞縣世族莊懿貞淑歸事文安公幾
五十年公性嚴而質御家井井太孺人服茹素淡細大
綜理克稱公意公生平鷄鳴而興夜分而寢太孺人侍
巾櫛奉圖書終其身無戚寒煩暑異公樂施予三宗或
生無養死無塋者輒以聞公公卽惻然大孺人則順應
公志以成其惠如是者屢公喜延天下士鉅卿達人至
論常竟日太孺人則具尊棹致甘腍有繼無乏公敎歷
兩都數十年間官至列卿叅贊留務責任重大曾無內
顧憂太孺人有中贊力焉公生九子長舉人庭桂次卽

小泉公庭樹指揮庭楷慶遠知府庭柏都司經歷庭樟
廩膳生員庭枌太孺人出則瓊州推官庭榆舉人庭枝
其季卽庭機子姓繁衍咸獲莫辨太孺人克諧蒸蒸各
得歡心故內順外寧宗戚閭里翕然稱之已卯公沒太
孺人時勅諸子曰先公力學清操爲當代名臣今天降
割恐世業易墮不自樹植非夫也故諸子有令譽於時
庭榆娶鄭叅議觀女庭枝娶羅布政榮女繼娶薛通判
蒲女庭機娶李同知廷儀女孫男七燭燠燐燐餘幼孫
女四銘曰

於休文安 八閩之秀 士瞻厥崇 人藉其厚

鬱律磅礴 不施後人 天錫閨琛 以翼公身
如彼高山 群巒護之 厥產乃蕃 梗楠桐椅
太孺之賢 承公四紀 寅恭斯夕 有秩綜理
侃侃太史 維公是肖 亦暨諸昆 聯輝並耀
豐水悠悠 源干小星 林茂有基 視我茲銘

河南右叅政陸公墓誌銘

公諱鏞字時鳴號拙菴其先蘇之長洲人大父英避患
徙居崑山旣而以事北上因家大興縣之三河父諱敬
贈奉直大夫工部都水司郎中母申氏贈宜人公生而
穎敏莊重在群兒中器度踔異人往往指目之弱冠領

鄉薦尋入大學有聲天順丁丑登進士第試政都察院
授知山西保德州前知州坐虧官錢公至爲區畫償之
脫其罪按無賴數家罷一切供應蓋自是宿弊盡矣秩
滿陞工部都水司郎中嘗與一大臣奉

命築河西務陂塘工告竣矣公曰是旦夕計也設法增
築之而水恃以無患越七年陞四川保寧守會歲旱禱
之卽雨置厰倉郡門外儆常平之法捐俸貲若干視時
穀直之貴賤而增減出入之由是閭閻之民流亡來歸
者咸賴以不殍斷刑獄無小大必悉其情破奸隱數事
令郡稱之有大書神明府三字於郡門者闕館庫修學

舍增釋奠之樂民不告勞財不告費而規制煥然一新
云初僚吏有欺公始至詐取已徵稅物者公知之竟不
出一言其量如此僚屬吏民共舉公善政十事爲詩美
之號守閩美政集行于世歲滿入覲因棄官歸未幾當
道驃騎之起爲河南右叅政歲餘以疾致仕公生宣德辛
亥二月二十六日卒正德丁卯九月二十二日娶蕭氏
封宜人先卒無子後室蕭氏童氏生子男五人曰通早
亡曰達義官曰達錦衣衛總旗曰遠武驤右衛勇士曰
遂習舉子業女四人適營州後屯衛鎮撫邵禮大寧前
衛指揮僉事李興東勝衛指揮使李銳營州後屯衛都

指揮僉事楊瑀孫男三瓚璋金孫女二先是蕭宜人葬
都城正陽門外里許今以術者言復營墓朝陽門外
將以年月日舉公喪葬遷蕭宜人合葬焉公平
生不爲矯異峻激之行表以拙自號而其所施於政事
者如此其可銘也已銘曰

世騁智以行公處拙也孰拙如其能用不竭也德流
在人名安滅也刻銘貞珉與天壤誓也

明故處士婁景菴孺人潘氏墓誌銘

婁處士景菴旣歿之十有五年其配孺人潘氏卒其子
爵將起處士之窆而合葬焉奉予友鄉貢士徐良節所

爲狀問銘于予太子太傅冢宰屠公亦以手書屬予曰
歷精於醫吾交之最久故知其先世行實有可銘者宜
勿辭按狀處士諱璵字景輝景菴其別號也世居浙之
歸安或曰系出唐師德後然不可考矣元季曰士奇者
舉進士有學行曾大父祿儉德弗仕大父壽以醫鳴求
樂初被

召來京師遂家焉父敬承世業推重士大夫間處士居
家孝友御群子姓慈不廢教與人雖外無畛防而其中
是非皂白森不可犯肆力於丹溪諸遺書及太素脉訣
咸得其肯綮復以其餘力讀經史爲吟咏所著有儒醫

啓蒙景菴吟稿若干卷處亡聰明不倫又志專愛物故
其爲醫與世之爲醫者異其言曰醫以濟人爲事者也
濟人而責報於人是欲濟已也濟人鮮矣故一時勲貴
以逮市人凡有疾率問處士祛癰癰起瘡癰而置之安
不可枚舉英國張公嘗德之徵一時名公詩文以著其
美蓋自是世家望俗非處士之藥不嘗焉其爲人所信
以重如此而處士復飲其德不言扣之亦喀焉不應間
雖有不持錢至者亦槩然不取是寧有憧憧之心者
邪成化丙午以壽尹官始隱居別墅不復與世接云孺
人潘氏自爲處子時父母鍾愛之適處士慎修婦道撫

舅妯所欲曲承之務得其歡心疾則憂形於色服勞茹
苦宵晝弗寧性靚樸若無能者而內政斬斬不可紊疾
革遺言戒諸子先義後利以求世德有古女丈夫之風
處士生卒以永樂壬辰七月九日弘治甲寅十月三十
有七日孺人以宣德丙午二月十有八日正德戊辰十
二月三日壽皆八十有三子男三曰慤義官曰堽曰奎
女二長適百戶李增次適指揮仲欽俱先卒孫男四曰
銘曰鑑曰鉉曰欽補昌平郡庠生孫女三曾孫男一曾
孫女一先是孺人善承其舅姑舅姑亦鍾愛之嘗謂之
曰吾子四人克敬克孝未有若爾夫婦者爾後其昌乎

於乎蓋至是可驗矣以孺人卒之明年三月一日合葬
處士墓原曰王河鄉在京城西處士所隱別墅也銘曰
德也儼止壽亦惟均孰作配如有章有倫王河之
鄉原田勻勻是維處士所隱爰有墓門後十六年孺
人斯存既固既安裕乃後之人兮

姚母趙氏孺人墓誌銘

弘治戊午正月四日觀城學教諭姚公之配孺人趙氏
卒塋于 之東阡後十二年爲正德己巳而教諭公

卒其子工部主事繼巖將卜是年月日塋公于 遷
孺人而祔焉以孺人權薨時墓弗及銘奉其鄉友凌進

士楷所爲狀請銘于四明張邦奇邦奇與繼巖同舉進士雅知之讀孺人之狀又知其文行有自也謹按狀孺人諱容字德克世爲維揚通州人祖諱舉明經同知州事父諱通經博史有能詩聲隱居授徒學者稱爲庸菴先生孺人居家孝友天至庸菴愛且賢之故益慎擇選教諭公方居邑庠負時望曰是其儼也遂以字之教諭公三歲而孤長復業舉子家產幾廢孺人入門躬殫勞苦事其姑能不失旨甘之奉姑病宵晝不離左右者五月姑告六親曰吾唯無以報新婦孝敬願新婦得婦亦如是足矣公從父母於公有撫養恩故孺人舅

姑事之嘗俱病疫公適外出俗以爲疫能染人弗可近
孺人躬事彌月亦竟弗染也綜理內務使公得專意問
學已而久弗第慰公曰君學脩行成足以大門戶矣顯
不顯命也其勿以累意公雅是之居常蔬食布衣纍然
貧也及至奉祭祀供賓客周宗族則恒如豐家訓諸子
少不率輒峻絕之長跪終日請過乃已公歷仕郟城觀
城孺人每歸遣子就學課讀至夜分以爲常蓋嚴且勤
如此已而得胃疾尋愈復作竟以是卒于家距生正統
戊辰得壽五十遺命速塋母作佛事壞兩家家訟嗚呼
自佛入中國迄茲十餘歲其汨沒人心固久中間臨利

害死生屹然不爲所動者自王公貴人或難之而孺人遺命如此卓矣其識也卒之時子男四人繼崇繼巖繼崧繼律繼崧庶室黃氏出孺人常一視之無纖芥厚薄女二人長適文表次許嫁劉良旣沒而有男二人繼疑繼寵女一人皆出黃氏孫男四人俞會全企孫女二人孺人之將卒也命其子繼崇繼巖卽赴觀城俱遠傷公意且謂之曰爾父績學數十年竟弗獲大耀爾曹其成之今繼崇繼律皆補州學廩膳生而繼巖登進士第拜官工部皆焯有文行科第勲業之盛固未有艾也嗚呼是足以慰孺人也夫銘曰

長育儒門兮爰相儒師溫溫媿媿兮既孝既慈宜爾
後昆兮碩大以滋遠公一紀兮奄忽歷茲來卽公歲
兮百世是宜

路處士墓誌銘

公諱淵字惟澄別號靜菴其先元季時避難家真定之
饒陽曾祖祖伯達俱不仕父遵好儒術公性朴茂而
意氣侃侃有分限涉獵子史百家奉祭祀交宗戚誨子
姓咸有禮汰而恩義脩至平居無疾言遽色遇人爲非
道面折之雖貴重不憚鄉人有辯訟多求直焉家資鉅
甚自奉如窶人至閭里有窮不能自振者輒分帑濟之

師友甚學舍衣食百須無少累厥志以卒就厥業廣家
廟創墓祠先塋之見侵奪者訟而復之碑誌之屬什者
大缺者補經營飭治周悉工緻一時宗姓爲之翕然治
家惟有鞠是慮勤儉蓄聚貲筭日益增而於親舊貧賈
者揮斥振給之不少靳嘗訓厥子曰利怨之府也人怨
天將棄之可不懼哉吾見吾鄉叨憤者一二輩仕於外
困載以歸肉曾未寒而子孫已蕩散無遺是專利之驗
也同右丁氏者病疫公爲之饋橐饘焉死則爲棺歛埋
之義阡其賴公全者率子女踵門謝願質女報公拒之
曰固相周之義也豈望報乎處鄉隣敬遜不阿人有事

必資稟取裁斷乃行書吏管絃之屬靡不精通尤工於篆刻望隆鄉郡之間一時藩臬重臣稱公必曰薛先生云嘗輸粟拜散官生永樂丁酉十一月二十九日卒弘治丁巳八月二十三日享年八十有一以年 月 日葬板橋之原配徐氏寔克佐公先公二十有三年卒子男二長疆次理邑庠生女二適義官李鎮貢士黃發孫男四長云次 次 儒士次洵郡庠生曾孫男六曾孫女一予家於公世姻也故予聞公行甚詳髫年而謁公風采巍然言必則古昔雍雍如也我曾大父之葬也大父甫八齡董葬者誤南首焉微公幾不獲之幽矣痛

哉公性仁厚樂趨人之急而才足以濟以故凡在姻戚
靡不蒙澤焉而至於今追思而頌歎者猶徃徃是公之
德雖弗銘固將傳諸人其銘之亦夫人之意也銘曰

昔在宋季回祿爲厲薛宗屢完神彰厥瑞厥瑞維何
永錫祚胤委靈於公克敬克慎言辭忠確風采峻崇
不爽維德誕亢厥宗曰維我先種德有年莫爲于後
雖盛弗傳乃谷于衆乃經乃理率族維孝報先維祀
積厚施博好禮親賢奕奕其聲厥宗庇焉有苾者子
有苗者孫踰陰濟濟允矣其文克隆于先宜昌于後
亦享於躬黃髮眉壽維世攸歆維德維義我言胡私

未詔來世

張文定公靡悔軒集卷之七

張文定公靡悔軒集卷之四

墓誌銘 十二首

贈承直郎刑部廣東司主事孫公封太夫人程氏墓誌銘

公姓孫氏諱惠茂字世芳世居奉化泉溪里大父諱惟堯父諱志忠皆隱其德毋杜氏公事之色養不懈弟惠久早世撫其遺孤皆大之鄉閭有艱兄者扶植賑卹如弗及然以弘治癸丑十月十九日戌時卒壽七十有五冬十二月 日塋所居南先塋之次配曰封太安人程氏有淑德正德庚午十月十二日子時卒壽視公加三

焉其子勝時爲刑部主事將赴喪奉國子丞宋先生佳
所爲狀述謂邦奇曰先君之墓不及具誌石今將合葬
吾毋於先君之窆願吾子并銘之嗚呼公與太安人之
沒可以無憾也已矣勝之始遊邑庠也公誨之曰儒美
名也有其名必懋其實乙丑之歲勝卒舉進士太安人
聞舉進士遺言誨之曰進士榮選也食其榮必浮其報
已而授知完縣調分宜咸優爲之凡甫三年而召命至
分宜於浙中水土均也太安人乃就養焉暨被召固請
太安人行太安人辭歸曰行哉莫吾念也吾幸追而祿
養視而政之有成也吾足矣顧所恨者而父弗追耳其

忠于而

君光于而父吾卽死何憾庚午冬十二月

皇上旣摧內孽上

兩宮徽號覃恩天下於是公贈承直郎刑部廣東司主事而太安人垂受封終于家嗚呼亦稱其志也已矣葬以明年 月 日子男四玉次忤次勝也次倫女二適同邑康潤竺光孫男七璵克邑庠生瓚珩瑋瑒瑞孫女五銘曰

孝友之德鮮克有庸我圖其人唯承直公太安人之賢實寅寅恭以助成厥子以亢厥宗史氏銘德昭於

無窮咨爾來者毋伐其墓之松兮

明故贈承德郎刑部湖廣清吏司主事聞公封

太安人何氏墓誌銘

贈刑部主事聞公諱元璧字應韶世居鄞之石馬塘生
天順丁丑月日年三十有六弘治壬子四月八日
卒十二月二十四日墓所居東北通遠鄉之原後十六
年爲正德庚午以子淵貴贈刑部湖廣清吏司主事
承德郎配何氏封太安人太安人生天順戊寅月
日年五十有五正德壬申十二月八日卒明年淵奔喪
歸卜十二月日墓先期以狀來請曰吾髫年而孤先

君之寤猶弗及誌焉痛哉今吾母將合塋于是願吾子并銘之邦奇與淵同舉進士同舍于京師公與太安人之賢耳熟焉久矣茲則何敢弗誌公大父諱可信父諱璋皆隱德弗仕母楊氏公少銳於志偕其兄今河陰訓導元奎業舉子弟元宸復于縣從事一日言曰吾父老矣猶累以家務不可遂移其進取志惟親志之視旦夕後先悉隨所欲小大經畫勤而有汰度暇分條舉產業日增拓然至其私篋曾不錙銖蓄焉昆弟衣食百須常先意給之務成厥志性亢爽而直貌又魁偉一出言人輒聽信嘗膺戶役凡公事必先期而辦摧強扶弱振窮

卹孤汲汲如恐弗迨以故于家于鄉愛且賢之無間言者而不幸早世太安人柔巽嚴則入門舅姑悅未幾而外內屬知其賢蠲薦羞勤組紕前慮却顧哀盈補縮動適人意孀居食非衣敝支顛扶危勞勩艱辛殆萬狀不爲卹蓋二十年而被

錫命然勤約如故至隣里乏食者推其食予之逋不能償者置弗問其慈煦如此淵之在禮曹刑曹也屢遺之書誡之曰其懋揚而父志曰人命至重毋傷而先德及政吏部陟驗封郎中則又誡曰勗哉其庶以公慎答厚恩也故驗封君有令子長卽淵次洪次濟

業舉子女一適同邑朱茂任孫男四孫女二嗚呼公有
志弗就宜永年又弗獲人往往憾焉而釐之女士如太
安人者就厥子卒臻于榮茲非天也與公嘗曰天可信
我後必顯今果如其言銘曰

謂天匪謚我謚維天冥濛萬狀理有常然彼美如公
胡奪之壽不羸其躬式昌厥後厥後克昌聲光翕翹
人謂斯何孰豐以晉安人之賢節以若完苦節之貞
是甘是安宜爾生榮翟冠霞帔人卽玄堂視公胡愧
毅菴馮公墓誌銘

公名鏢別號毅菴太父諱景麟父諱琪皆隱弗耀馮慈

溪大姓而公少獨窶稍長歎曰貧富命也然子事父母
當備致甘膾今脩遯尚缺吾其如養何乃早作夜息雖
困弗懈調度既飭生殯日滋則惟親所欲雖費無所愛
塋亡兄卹其孤撫幼弟竢之太罄心殫力纖悉周至以
故家庭雍雍肅肅無間言至其身所奉養雖甚非惡不
爲卹而又嘗推其餘貸於人雖貸償不必盈其數遠祖
祠墓蕪廢當其治費不必均於衆聞有修杠途築陂渠
者以爲可以利於無窮施舍不必其有餘性方嚴而剛
直燕居無僂焉之容對舊故狎昵未嘗爲謔語人有事
不可干意輒形于辭色若不能容然人以其內無機伏

外無矜防故咸憚而愛之凡一切玩時愒日之具雅無
所好而於惡奕戲尤甚至以爲喪家亡身之端以戒禁
其子姓其子姓卒亦有成長子曰濟次日沔咸克家次
曰本章湖廣常德衛經歷次日涇登進士第孫男女若
千人正德辛未以壽冠帶生正統壬戌十一月二十日
卒正德甲戌六月十九日享年七十有三其年月日
塋縣治東祖塋之側配丁氏涇將自京師奔喪歸介其
同年周君在克然而請予銘銘曰

慈水洋洋其山巖巖毓秀鍾英續紛煥燁馮氏之隆
聲華雜遝公身弗耀實昌後葉見善思奮不善如怯

率厥素性與義恒合不習使銛於人允協豈若纖人
營營咕咕慶貽厥嗣抱義懷業來翱來翔厥聲鏜鏜

明故四川按察司副使致仕張公墓誌銘

公諱曷字仲明別號棟莊主人又曰寓菴姓張氏曾太
考諱延良贈江西道監察御史大考諱楷官至都察院
右僉都御史博學善詩文嘗奉

命經畧東南卒鑣巨寇功著國史考諱應麟亦以詩鳴
從軍三陟有功授寧波衛後所鎮撫毋虞氏封孺人公
世居慈溪逮都憲公始卜居鄞城平橋之南公生有奇
質貌古而性剛自爲郡學弟子負已徬徬然能自樹大

成化戊子舉于鄉壬辰登進士第授知鉛山縣勵心勤
力事求利民所立規條簡便有汰越數十年不能易有
巫能役鬼物呪咀殺人大有徵應一時咸畏事恐後公
擒至庭榜笞百數卒無所傷夕而大風揚沙石蔽天遶
屋錚錚若鈴索聲衆益駭懼以爲果神人也籍籍請釋
巫公弗顧卒致之死縣城南有溝西洋廟頗現靈怪旁
郡男婦相率祈禱充斥道路公惡之毀棄神像墟厥殿
宇置便民倉焉而併撤淫祠數十以葺公廨移文道路
告諭以禮秩滿擢南京監察御史糾劾不避權要譽傾
一時威寧伯王鉞挾其武力偕保國公朱永太監汪直

兵部尚書陳誼將挑釁北邊公曰是爲國家害不小抗
章劾之詞連內閣司禮由是內外大臣皆嚙之未發也
會守備南京太監薛琮聞公名求見不許且劾琮鬻放
軍伍琮乃誣奏公擅作威福遂左遷南京通政司經歷
久之以魏國公薦轉四川按察司僉事查理塩汰蜀中
塩利最饒先是理塩者率以賄敗公搜剔敝蠹一新以
汰有都指揮使陳某富而無子惟女婿一人嘗棲一處
子匿其家事覺鹽之河以絕踪死者之父訴於巡按御
史且請必屬公治之御史曰是理塩汰不得與獄訟其
人曰陳都司家貲黃金至十餘鉅萬非張憲僉孰能不

爲利啗洗小人冤邪乃移公按問一訊情踪具得而御史卒通厚賄撓公數四不得則別委官推之竟移坐其婿之僕云公旣磊砢不能與世合再疏乞致仕不允而遷公副使守備建昌黎州等處時同事馬太監信用術士周慧以其善燒煉黃白將進之朝公聞而驚曰是唐之柳泌也卽擒慧置獄而劾馬之妄事乃獲寢公猶錮慧極邊以杜後釁居歲餘度終不能容於時乃和陶潛歸去來辭引疾歸老於四明之棟莊時年甫六十也環堵蕭然出入不能偻騎從家人糠粳或不贍而超然容與日事經史自娛嘗歲大侵大臣賑饑浙東聞公憂甚

遺五十金堅拒弗受辭受進退一視諸義而不少顧慮
利害禍福存亡得喪不待解遣而自不能膠其中雖於
俗不屑苟同而對衆坦坦不爲畛防資懷如清冰英王
不可點染其表姪憲副余君本每侍公未嘗不勗以道
義病既殆猶張目謂曰努力哉乃今人才知自勵者少
若能扶樹一日是培

國家元氣一日益大身爲國之心至死不亂嗚呼豈不
英偉卓絕大丈夫哉聞公之在孕也其母虞氏孺人夢
啓明入懷比在襁褓每見此星則指而索之不得輒啼
泣不已孺人以赤帛搏若星狀與之則喜而嬉笑嗚呼

其信然乎哉。嶽降星墮古固有之不然何爲矯矯然與衆異也。家居十有八年自公事外足不踐公室然守令賢者每加敬禮於公。今邑宰丁侯洪鉛山人以公有遺愛故敬公尤篤。棺殮之需皆侯實捐俸焉。公生正統癸亥九月二十二日寅時卒正德庚辰九月二十七日子時享年七十有八。配杜氏封孺人。宋祁國公之後。封戶科給事中通渭教諭諱謨之長女。夙著賢行。實贊公志。生正統乙丑九月八日丑時卒正德丙子二月二十五日丑時殯於堂六年矣。至是以辛巳七月某日偕公葬西山祖塋之次子九人。長汝蓮襲鎮撫職。娶毛氏次汝

芝汝芹俱早卒汝騰娶王氏汝正亦早卒皆杜出汝葵
娶陳氏汝葵娶周氏汝蔚汝蔚尚幼皆庶出女三人長
汝英適太平知府陸公坡之子信次汝莊適新昌工部
侍郎俞公深之子朋汝川適丘甫孫男三人長承宗襲
鎮撫職次承寵承宣曾孫二人仁一仁二所著有寤思
錄棟莊稿若干卷藏于家憲副余君以公平生異政殊
行不可殫紀乃述其大者爲狀墓有日汝騰昆弟以狀
來請銘銘曰

長庚墮精明山陽矯矯奇質百鍊鋼鑄爲鎮鄒與于
將離硯一日高騰翔後者莫曳前莫當荆如霹靂驚

大荒株蔓斬截鬼魅藏擊排未竟先括囊銛鋒銳鏑
終誰傷凜凜英風時簸揚靡波頽流爭激昂脂膏百
歲營腹腸飲氣低眉奚所望吁嗟浮世駒隙光豹死
亦自留文章公今化去歸西岡西岡壁立千仞長精
輝不物偕淪亡炯炯千秋牛斗傍

明故山東右布政使陳公墓誌銘

公諱振字時起別號主靜世居鄆之半村祖諱均得隱
不仕考諱叙仁以公貴封文林郎河南道監察御史母
謝氏封孺人公生而靜慧成童遊郡學有聲成化甲午
領鄉薦辛丑登進士授知吳縣陞河南道監察御史福

建按察司副使遭父母及大母喪服闋復除雲南副使
陞陝西苑馬寺卿尋患瘋疾乞骸骨章已在途會有命
徙官遂以山東右布政使致仕公歷仕幾三十年官至
二品致政之日室廬條然疏糲僅給家居足不踰戶閭
口不及時事姻親舊故鮮接其面如此者十有二年以
正德庚辰二月二十日考終于正寢爲吳縣政平訟清
門無私謁爲御史綜理畿內馬政巡按江西山東皆著
風采然不以語人親故莫得聞其詳所上章疏子弟不
及見其草屢言而危行好勝者莫與之爭明於界分以
汰度自防絲毫必執無少假借于家于官截如也而心

迹不貳始終不渝伎且嫉者無所投其翼逆瑾竊柄方
面而下以事之京者多執贊其門不肖者希恩澤而賢
者祈脫禍公起家艱赴部貧無以贊瑾惡其獨不往懷
之未有以發也既復除雲南值邊寇煽亂設策冒矢石
折首獲醜南徼肅清瑾索瘢無處而功且益顯乃得遷
苑馬卿配薛氏封孺人柔順莊敬克協相公志終身未
嘗有間言生卒與公同年皆七十有二卒之日先公
旬有三生子四人應繡應江應山應福俱不幸早歿無
嗣女一適國子生陸登公將卒以仲弟長子應某方從
事京師乃命以其次子邑庠生應元爲後嗚呼世稱仁

者必有後若公所謂仁者非邪而天顧盡禱其嗣何哉
豈後世氣運微衰所以培栽者或不能給固其數然邪
然公祿位名壽旣以具獲生而足範于鄉沒而可祭于
社固足以寄於無窮而又得端靖如應元者爲之嗣兄
弟之子亦奚間於已哉應元生子二人珪璋尚幼將以
冬十二月六日合葬公與孺人于李家畧先人之兆次
介其親友林德源德本達而請予銘予矍然曰爲公銘
乃俟請邪銘曰

行不可襲而潔作而不輟乃成玉雪名不可矯而得
積于淵默名乃無極公脩于身于家于官不尚維言

操我尺度不獎于素物莫我敢數孺人柔則相此成
德皎皎完璧喬木在原雙璧斯安百世其勿刊

宗叔祖栢軒處士墓誌銘

處士張姓諱怡字汝和栢軒其別號少安順事必俱親
志求必愜乃已家遭困祿茹勤苦撿灰燼死材鳩工
美前業益南踰成童而料理飭叙雖習幹丈人不能及
家居嚙嚙課子若孫延師取友費不爲較外內雖細事
不稟命不敢行尺度靡杼翼然不可犯及其待鄉戚
愉和煦詡詡不復見邊幅遇非常悉力支策不使有缺
望性本善經理以不吝施予故終身不甚厚蓄客至具

觴豆按壺拊鼓或竟日不倦暇則每獨飲不求甚醉或
取古今詩歌哦以自娛年雖高精神不衰偕其配孺人
董氏相順敬以老正德十二年七月初一日疾終正寢
距生某年正月三日壽七十有三先是家祠曰時啓者
出游姑蘇續屬適返得及親棺殮鄉隣異之祖諱某父
諱某皆隱德不仕子男二人長卽時啓有文行娶陳氏
次時發先處士卒娶宋氏女二人適同邑朱鉉戴王孫
男四人邦襄邦章邦雍邦齊章齊業舉子曾孫男三人
治道修道達道曾孫女一人正德某年月日塋于所居
北祖塋之西銘曰

邃古弓正發大業相韓歷漢章程燁魏公繁宋胤克
協自蜀徂浙聲雜遛爰有苗裔家鄞之陽承其毅率
弗弛以張公庶孫曾桑蓬屢射審固以施及於無極
明故廣東布政司右叅議進階朝議大夫周公

墓誌銘

公諱旋字克敬其先鄞人曰師厚者仕宋至銀青光祿
大夫爲范文正公館甥生子鐸仕至中大夫稱鄞江先
生高祖君昇始自鄞遷慈溪家縣治南曾祖守行祖世
莊皆隱不仕父通方嚴好儒以公貴贈兵科給事中母
某氏贈太孺人公生而穎異家貧力學爲文操觚大就

欽懷時輩成化丁未舉進士弘治庚戌授南京戶科給事中尋遭內艱服闋復除兵科累遷左給事中時邊患孔棘中外恟懼公憂形于色食寢爲廢條陳方畧咸中幾宜將臣缺下廷臣集議或欲舉其所好公正色曰今日之舉將宗社攸繫如某也往恐重貽

宵旰憂乃止知州劉遜爲宗藩所構陷禍且不測一時言者俱繫獄拷掠甚慘公使還卽抗章論救甚切且曰臺諫俱方以言得罪而臣復以言進者言固臣之職也章雖內寢而繫者皆釋南旺舊有湖備漕河之竭後漸淤塞歲久莫治公熟廉其故請復湖之舊且增置二閘

行者便之各營牧地漸禱于貴勢公承

勅清理悉復其舊而

中官皇莊不肯罷公奏

毋后享天下養何必私頃畝之入妨國家重計哉

上爲請于

太后罷之歲辛酉陞廣東布政司右叅議始至剖紛決
滯搜宿弊卻間獻吏民懷服暇則集生儒講解課試士
皆感奮多所成立饒平賊蘇孟剗暨厥妹蘇八娘以驍
悍相協爲亂聚衆至數萬保鳳凰山爲窟出沒其間橫
莫之制時劉忠宣公總制兩廣檄公勦捕公部分諸軍

截守要害以敢死士數百屬驛丞龍璽令出賊背而陣
俟賊出卽緣山入據其地璽如命偵虛而入盡殺其守
穴數百人賊輦奔還璽方拒之官軍四集遂擒焉公居
諫垣九年遭

孝廟神聖感激竭心知無不言前後所上章疏多見聽
納顧頗以峻激爲權右所嫉比出叅議廣藩僅數閱月
遽謝政去性嗜文墨忍勞勩雖當仕途紛劇學不爲廢
比歸築書院西溪課鄉子弟賦詩讀書卷帙不去手所
著有西溪小稿慈溪縣誌杜詩質疑宇宙英華東湖十
詠并奏草各若干卷自號半齋人稱西溪先生正德改

元

詔天下郡縣纂修

孝廟實錄本邑屬公總裁其事公事親孝務得其權心
太孺人屬意螟蛉之子公均其貲產後屢顛沛輒復收
給兄無子撫其義子如已出從兄執役京師物故遺一
幼女嫂挾以再適公官于京訪求不得爲之汰下後知
其處詞于官得之卽撫以爲已女爲奩具擇壻曰馮澤
者嫁之今爲邑庠生公意度閤豁樂施予不屑爲米鹽
較計親舊休戚視猶在已大義所在銳意必爲雖啻於
人不爲顧而柔嘉閑則和氣襲人對客談論妙轢古今

雖祁寒盛暑急遽倥傯或疾病勞頓之餘未嘗有懈色
僂容人無弗敬愛焉以子貴進階朝議大夫配孺人林
氏加封恭人柔惠逮下有螽斯之風公生天順庚午秋
八月某日卒正德己卯冬十月某日享年七十子男十
一人士貞義官士英登進士歷官南京工部都水司貢
外郎士賢士貴俱邑庠生士實士賚俱知印士贊士貫
士寶士貢俱業舉子士資早殤女三人適羅苗王操錢
楹皆邑中著姓孫男十人惟承惟宗惟文惟忠惟孝惟
正惟大餘幼未名孫女五人公嘗自制壽藏於吉祥寺
之北寺蓋其先肇慶公所捨建也去飛鳧山先兆西可

百武塋以庚辰九月十九日先期都水君暨昆弟介其
親友裘君景文來請銘予與都水君同鄉舉景文予妹
壻而予辱公知最久竊謂以公之才使得柄大政任繁
劇當迎刃輒解顧方少試盤錯見利器乃忽解去豈非
天哉然公多子男如都水君旣最績方嚮用諸餘又各
以其器藝克自樹大勢盍闔焉莫禦也豈天故哀其羸
用畀其後人乎銘曰

董江似舅媲美忠宣滙澤於後西溪紹傳洽聞博物
厥聲淵淵奮筆威慝抗疏回天人顧以却我奮而前
蠻夷寇攘潮海之壩利刃研發儻而薙焉曷試弗宜

以柔以堅胡晚簪紱服政之年說說子姓爭輝後先
將沛厥施如澤而川嗚呼半齋是獲其全

明故嘉議大夫都察院右副都御史魏公墓誌

銘

公姓魏氏諱英字士華自號赧古宋尚書左僕射杞之
裔南渡家鄞後遷慈溪之雲山曾祖諱尚圓祖諱文學
皆隱其德父諱元吉號慎菴以公貴封太常寺博士贈
湖廣按察司副使母馮氏累贈太恭人公由縣學生領
成化庚子鄉薦辛丑登進士第授南京太常寺博士癸
卯丁內艱服闋改北太常弘治己酉擢監察御史丙辰

丁外艱起復未幾擢湖廣按察司副使正德戊辰進按
察使明年擢江西右布政使辛未轉雲南左布政使未
履任擢都察院右副都御史始爲御史清戎江西戎籍
多竄易爲奸造類姓冊奏行諸省遂爲常泐巡按四川
設泐擒土官安鰲靖三十餘年暴亂讞獄詳平多所原
宥不苟爲苛察要名監秋闈試諭所司精浮雅之辨得
士爲多創祠堂祀宋學士景濂廬匿官印公聞不問頃
之印出承

勅同兵部尚書馬公文升輩閱京營官軍以軍士耗損
坐爲勲戚權宦所隱占一糾以泐制不爲前却顧慮戎

五
伍賴焉爲湖廣副使永順保靖二宣慰分占峒寨讐殺
累年公下車不數日遂行爲理曲直示典憲刻竹符多
寡定罪旣皆慚伏猶以搖性不常爲定疆域構婚姻以
杜後釁蘄水知縣坐累下獄者數年屢更官司莫爲白
者公獨力辨竟脫之今世多工爲自全每所屬陷註誣
雖極知其寃慮嫌疑不肯一出口坐視其顛陪且死不
爲動或鍛鍊成之嗚呼亦忍甚已矣使素植堅白內不
自愧如魏公亦何必委瑣規避至若是極也再考最績
獲

誥命進階贈考妣蓋殊數也爲按察使宗藩以庄田故

互持短長悉爲辦理全其好爲江西布政寧庶人方恣橫南昌所屬河泊課鈔欲盡私之公拒甚力莫能得爲都御史巡撫貴州會匪西苗阿雜聚衆爲亂屠掠城堡僭稱王號公按形勢覘虛實授方任能環師急攻破寨六百俘斬數千招降以萬計捷聞

上降勅獎勵且有金幣之報已而蜀寇方四流劫諸群兵連荊湖

朝廷頗以爲憂檄公并力公選兵搗其腹中連戰破之斬獲甚衆

上復降勅有謀慮周悉朕心嘉悅之語然公積苦兵間

有退休志乃上章乞致仕既獲

命家居開徑掃軌日與賓朋賦詩飲酒恣意所如惟絕口不道世事踰六年以疾卒

上遣官諭祭于家公生天順三年正月三十日卒正德十二年三月二日享年五十有九公少淑義方早有文譽弱冠筮仕歷

三朝更七命應慎不渝前後三十年產業無所增拓廉慎之操如一日然而倜儻敢爲無或疑畏臨敵制變機智溢發故動獲萬全而謙恭和遜未嘗自伐在臺省所上章奏輒削其稿今藏于家惟平生詩文若干卷號根

古集云娶鍾氏有淑德累封恭人先公數年卒繼娶李氏豐城侯旻之女亦先卒繼蔣氏子男二皆鍾出長光嗣國子生娶司訓周君廉之女次克嗣娶知府余君濬之女女二亦鍾出長適方伯楊公子器之子孫斯次適知府向君錦之子洪遂孫男二印郊孫女四光嗣輩上以卒之明年 月 日葬施舉青陽山之麓先期奉都憲王公希文所爲狀請予銘銘曰

矩步兮或迂疾馳兮或躡絜而行之時之利舉其綱弗急於細辨于中用也惟恕弛兮非康子之靡張兮非東野之御斯其獨邁群趨人莫能喻者耶

明故貢士心齋陶君墓誌銘

陶之先汴人宋南渡十六將仕郎來居嘉禾之金橋鄉
五傳而至菊隱會元兵深入以保障功賜階將仕郎宋
亡徙家馮湖濱醜元德戒子孫勿仕於其朝乃顏其堂
曰忠孝以示志故迄元世無仕者五世孫曰伯鉉當

英廟時嘗輸粟三千以義旌第伯鉉生德民亦以賑粟
授官德民生文式卽世所稱菊亭翁者君之考也予少
則聞菊亭之賢籍甚蓋飭家政惇鄉戚卹孤周匱尊賢
禮士以光大厥家

朝廷旣旌以散帙後以子貴贈監察御史配陸氏贈孺

人生子六人長卽君諱儒字時宗心齋其別號也次儼
俸僎僩僖菊亭旣善教而諸子亦克類其德聚之家塾
相漸摩以舉子則君恒率先焉學成君廩郡庠而諸季
皆廩也庠惟儼先舉進士擢監察御史今爲揚州守君
孝友天至睦嫺任卹皆篤盡其道奉祠展墓必敬以時
交際款延必豐以適寢室庖涓致其淨嚴花卉亭園時
其芟治凡受之先人絲髮無敢怠廢而氣仁才敏所在
有雍睦齊肅之風焉雖素席豐裕而率性恬約終身無
媵侍之奉玩好之珍靡麗之飭莊而人親謙而莫之敢
尚正德庚辰以貢入

大廷注選天曹忽得疾以歸嘉靖壬午十一月六日戌
時終于正寢距生成化壬辰十一月二十七日卯時享
年五十有一配金氏有淑德男二長託太學生娶恩賢
張氏次託邑庠生聘松陵施氏女一適平湖沈大叅孫
垓託記卜以今年 月 日塋薊亭公之塋坎奉秦憲
副懋功所爲狀來留都請予銘君以冢器承所謂忠孝
堂者以宣力效忠爲已任文學蔚然足以取高第而卒
制於命弗克少見其平生然而律身治家已表表然爲
鄉邦法矧厥弟若子又足以振施之夫孰非君之澤也
乎銘曰

道惡乎存惟厥身命惡乎至不可以量人身有修不
修自克者賢命有遇不遇我何與焉嗟嗟陶君世以
翰聞雖終隱逸實播厥芬約已于豐相時以捐以養
以祀式禮莫愆嗟嗟陶君于行于言于啓于處吾無
間然忠孝有堂垂世以傳翼翼愉愉以承厥先亦曰移
孝歲不我延畜厚流廣來者其宣之

明故封承德郎南京戶部主事裴公墓誌銘

士之急於施不得試亦盡其力然後止而心猶無窮焉
德隱而濯壅勢必有嗣而弘之者弘之猶其施也是宜
銘直軒裴公早失其怙恃憐愛於其大父母甚篤也稍

長惑於浮言屏諸外公率其配朱日偵候不少懈致甘
膈奉養益虔大父母感悟待之如初歲大饑傾圉以貸
明年又饑莫之能償也家遂用銷落然終無悔意惟勤
約治生生復振無何族中有欺官營私者大爲公累不
得已棄家游金陵三年然後歸家用是又銷落公時年
及知命不復甚治生日夕課其子椿讀書曰吾家世儒
也吾旣少孤荒先緒兒子能嗣吾志俾書香無墜復何
望椿在州庠提學蔡先生課試奇其文華其同學生廩
而昇之椿懇辭先生嘉其義遍檄湖南以風勵多士或
謂公曰若是乎而子之沽名曾鼎爲祿養計邪公笑而

不答偶拾遺金榜諸衢已而亡金者至乃迫於秋徵變
產輸官者感激願以半謝公卒完封歸之力優裕時男
子章姓者病濕腫呻吟無所托公收撫於家久之起爲
壯夫後窺簞金欲構外人反噬先事而覺善遣之有丘
姓嫗爲人繼母嬰風疾逐於子公惻然命家人飲食之
久而愈嫗因不忍去數歲病復作死其子訟之官鄉人
咸弗平徃直之得白嘗再罹劇疾醫皆謂不可爲後竟
無恙人以爲行善之報云椿領鄉薦以祿養就教長洲
移常州陞南京戶部江西司主事嘉靖戊子

天子敦孝覃恩天下封公階承德郎官如其子椿器識

功業茂著於時將大振公之施者屬以當道論薦擬擢
內臺命用下面公終於正寢矣寔己丑四月十有二日
也景泰甲戌八月十日壽七十有四公諱琇字石中其
先廬之梁縣人高祖彥文爲安陸侯吳公復贅壻安陸
之有裴氏始此曾祖子壽祖信父鑑母高氏配朱氏贈
安人繼向氏子男二相娶張氏椿娶王氏女二適郡人
陳仲良庠生閻宸指揮子周瓏俱朱出孫男二用明用
賓孫女四公坦夷質直語如其心幾微回曲不自容故
自號直軒云遂以 年 月 日原曰 計至椿方
督儲鳳陽奔喪過南京請予乞銘前進士李子文會椿

鄉友也繼爲以狀請二千比旨予提學湖南時國士遇者
銘曰

嗟嗟世人莫慮其全避有千夫孰輓好還我居我殖
百計鑱鑄直蓋犀軒孰卹其顛蓋世惟急於已而公
獨人是先取償乎天

明故中憲大夫南京通政司右通政南湖余公
墓誌銘

嘉靖己丑十一月十六日日將中矣南京右通政余公
過予予近之庭升階聞友人汪汝成成都憲歿也愀然動
容焉坐定談汝成事秩秩不少亂已乃咨嗟悼惜殊不

自堪忽暈眩喘急戴目垂手欲僵予驚泣呼不應手
灌湯藥弗愈踰時氣漸微乃絕其子九疇輩奔至伏尸
而哭乃以卧輿舁歸其第嗚呼痛哉公諱本字子華世
居鄞城南臨月湖故號南湖余氏宋參知政事天錫之
後公曾祖諱煙南安府同知生愷愷生謙德即公父也
諡易慈孝鄉稱善人以公貴封翰林院編修階文林郎
母夏氏封孺人愷以弟愷早卒弗嗣命文林公後之公
孝愛性生而英邁連厲動師聖賢娶未逾歲遭母喪終
其制不入私寢今刑部左侍郎聞靜中先生時就讀其
廬卧起必偕能悉其情云始公少游府庠觥觥自持不

少利觚角每候謁上官諸生多叢聚踞談而公與聞江
二子恒各歛襟獨坐一日相就問姓名語合遂爲契友
焉弘治庚午領鄉薦辛未廷對擢進士第二授翰林編
修明年念父老無兄弟疏乞歸省時例京官省親離庭
幃六載乃許公未及再暮而

特旨乞歸人謂孝感焉又明年奉其親就養京邸尋充
經筵官時權奸迭興文事廢不用公慨然具疏指切無
所忌至再上不報乃疏乞補近地儒學官便祿養當道
難之乃請擢廣東按察司副使提督學校至則毅然以
整俗作士爲已任秉公力勤務必行厥志然素性骯髒

視卑陬咕囁之態不啻若臭穢見行事一不當于理卽
義形于色或面折不少容用是與巡按毛御史鳳積不
相能舉劾其不法數事而毛遂肆其莠言以相詆誣
詔各回藉聽勘毛以京考落職而公適罹外艱服闋當
道令公赴選公不可嘉靖丁亥起復山東按察司提學
如故

勅至乃就道山東行政不改嶺南戊子秋試士之中式
經公所首選者幾半其年四月陞南京通政司右通政
凡文牒無細大一一訊辯擇可否罷行之日不爾則無
以遏讒說距殄行非

朝廷設官意也官宇頗圯會以時訓禁工役公乃計處
工食若干佐以俸餘費不涉公帑役不越輿隸而堂廡
煥然嚴整壯固見者服其能焉今巡撫山西都御史王
天字先生者公友也嘗曰吾每有舉措或沉吟未決思
于華之風卽沛然矣蓋公臨義必赴於得喪是非死生
禍福不一置于懷故能無所瞻顧若鷹攫瀾趨莫或牽
制家居食貧稱貸無虛月親族有急輒傾囊濟之或爲
假貸而躬自償焉從父兄某弟某皆早孤文林公撫養
如公公長室之且給之田若干畝公於書無所不讀見
古人許偉事躍然期必爲之至奸臣傳則擊節罵詈不

釋曰禮樂天文陰陽律呂皆研窮其數爲詩文直寫已
意不屑事磨鍛崇華飭作世俗語而典雅確實充禪世
教其雄才大節使當大任當爲

國家長城太阿無疑而遽止於此知者惜之公生成化
壬寅月日得年四十有八娶同邑徐氏封孺人繼
娶定海劉氏浙江都指揮某之孫女仁和翟氏杭州衛
指揮某之女也子六長九疇府學生要素氏縣丞一之
之女次九章予婿也九正聘陸氏經歷承美之女九家
九陽九晚尚幼女二長適府學生陸兼金按察副使文
順之子次字張通判廷韶之子九疇九正陸氏女皆

徐出九畹翟出九章九家九陽張氏女皆側室周氏出
念昔汝成都憲拉予訪公月湖之陽迄今三十年以道
義相屬切自同官翰林以來去就進退形迹類甚今方
賴諸友以有爲詎意汝成函問猝至大出非意廢餐而
哭未已而遂以次日哭公于寓邸也嗚呼痛哉九疇以
卒之明年正月二十有五日返殯其家先期請予銘比
抵家以書來曰已卜九月二十有三日塋南城外祖塋
之次願速爲銘而靜中司寇亦自京師以書見屬乃泣
而銘曰

一試觀古人於今不同我求南湖古人之中坎廩今日

甫通輒窮時則固然奚惑乎嗟嗟南湖志業未終
障奔激頽莫匪清風嗟嗟南湖亦又何惆

明故封兵部主事寧波府通判朱公暨配贈安
人賀氏合葬墓誌銘

予少則聞鄉父老稱郡侯之庶明必曰沈公訟獄稅賦
值沈公當耳則如子值父母躍如也比去戚如也以思
迄今三十年無斁也嘉靖戊子予視公于留都耄如強
風神如洗衣冠儼雅雍雍如也子孫詵詵如也予竊歎
曰天命固若是乎不僭耶公朱姓也厥考樂菴公出贅
于沈因其姓迨公仲子環舉進士乃

奏復朱故吾郡稱沈公云弱冠選補陰陽生調京兆尹
弗爲禮而禮庠生來謁者公憤曰吾獨不能庠生耶歸
白其父母改業舉子業舉子逾歲充庠生成化丁酉領
鄉薦屢上春官弗偶學益力從游者益衆士有以釵梳
充束脩進者公立却之而教益篤士類多所成就取第
登崇者踵接也弘治丙辰授寧波府通判先時倭夷入
貢路寧波郡人利與市易不虞其譎也已而自京師還
僞券紛然無所於辨鎮巡藩臬皆難之會公至遂命理
焉公召夷衆諭以善惡福禍顯有徵應仍大書天理人
心萬里海面八字懸之公署夷人氣懾有吐實者矣乃

躬爲磨勘所僞券償實貧民夷悅服去之日皆向公羅拜以手加額贊嘆而別當道聞之皆賢之歷署慈溪奉化定海諸邑分之外不輒取一毫而事細大無弗理者列邑士民又皆賢之性猶潔不能隨時俯仰於進取恬如也致政而歸囊無贏金圖書蕭然足不履公室口不及公務每偕朋舊將覽名勝賦詩鼓琴超遙如也不喜奕棋嘗著論非之以爲玩時廢事莫此爲甚所著有虛鑑集若干卷天文地理醫卜之書靡不究心垂病時猶撰太極日行二圖各附以說及序付諸子自謂發先儒所未發門人爭傳錄焉公方壯時樂菴公病篤焚香籲

天願以身代病尋愈喪祭遵家禮父母忌辰悲哀不能止及喪不改諸子皆親授經庭闈之內如嚴師然而未嘗夷天性恩也時人難之其先蘇之長洲人曾祖關洪武初徙實京師占籍上元祖讓父安忠信敦恪爲鄉人所重公其仲子也諱希達字時用自號主靜道人嘗扁其書齋曰虛鑑門人稱虛鑑先生以環貴封承德郡兵部武選清吏司主事生正統丁卯十一月十八日卒嘉靖己丑七月二十七日享年八十有二配曰贈安人賀氏承上逮下陰禮無愆者公居約不爲家事所累諸子衣履整潔問學有成其中贊力也生正統己巳六月丁

十六日卒弘治乙丑五月十七日享年五十有七子男
四瑤定海縣學訓導娶張氏環兵部武選郎中娶景氏
封安人瑜娶許氏早卒珥太學生娶鄭氏女一側室王
氏出適沈絃孫男九應文應儒應宗應祖京庠生應元
應瑞應兆應奎應龍孫女七曾孫男八曾孫女二賀安
人墓鳳西鄉祖塋之次若干年矣瑤環珥將以 年
月 日啓兆合墓謂予武選君同年進士又公舊治
也奉公門人趙監丞榮顯所爲狀泣拜請予銘銘曰
拙於求工於詒謀約以守豐以裕後世皆人是哀而
公獨天與謀泮渙優游胡考之休有淑質維公匹沒

贈生封各食德朕隔二紀偕玄宅維此玄宅既固既
飭子孫保之百世其無斁

[illegible]